



wantok

Niuspepa bilong ol Papua Niugini stret


NESENEL

amba 217


Bilong wik i stat long Sarere, 6 Me 1978

Prais 10t.

SKUL BILONG WANEM



Published by Wantok Publications, P.O. Box 1982, Boroko. Phone: 25-2214. - Printed by Wirui Press, Wewak.
Registered at the General Post Office, Port Moresby, for transmission by post as a Qualified Publication.



Long poto long leph em Mista Fransis Iran namba tu Siaman bilo Komisn i bosim lo lo PNG. Em i sanap tokt wantaim Jastis Kir (lephan) na Komisi bilong Lo, Mista Russ Scott, long Australia.

Mista Iramu i bin mekim lukluk raun ins long Australia inap lor 2-pela wik olgeta. Em bin bungim planti ol man na skrapim tok lo olkain we bilong hari kot. Em yet em i wanpe sinia mejistret bilong PNG.

Poto bilong Australi Information Services. B McColl i kisim.

Long poto daunbi yumi lukim Mista Steph Lapan bilong Manus, Mis Kea Ravu bilong Kagua, i Mista Israel Tulu bilon Kavieng, i sindaun gi wantaim bosman bilon givim kos long edukese Mista Alan Cooper, lor biktaun Adelaide lor Australia.

I bin i gat 6-pela sin ofisa bilong edukese dipatmen i makim PNG, bin i go mekim kos na la long pasin bilong skulim sumatin gut inap lor 10-pela mun.

Poto bilong Australi Information Services. Dougl McNaughton i kisim.



wantok

National weekly in Melanesian Pidgin.

Editorial Offices:
P.O. Box 1982
Boroko

Phone: 25.2214
25.2552
Telex: NE 22213

Branch Offices:
Wewak
Phone: 86.2479

Wabag
P.O. Box 111

Advertising:
In P.N.G.
Ms. Penny Donald
Phone: 25.2214

In Australia:
Kevin Engel
8 Duraba Pl.
Caringbah (2229)
Phone: 525.6263

Subscription Rate:
Annual: K8:00



NARAKAIN PIPEL

Long wanpela Sande long Epril ol i bin wokim wanpela spesel kain so na selebresen long bikpela Y.C. haus long Goroka. Ol i bin singautim 12-pela yangpela pipel long makim sampela lain pris na Brata, na Sista i save mekim kain kain wok insait long Katolik Sios long Papua Niugini.

Ol deliget ya i bin kam long ol aitan na long Hailans na long nambis na long Papua. Ol i bungim olkain poto na hangamapim nabaut long banis bilong bikpela rum Y.C. Em i bilong soim ol pipel long wok bilong ol insait long Papua Niugini na ol arapela kantri.

Bihain wan wan bilong ol 12-pela i sanap long maikrofon na i mekim liklik stori long sosaiti na wok bilong ol.

Mi sindaun harim inap long wan aua samting, na mi no tait liklik. Na mi askim mi yet: Bilong wanem mi no tait? Na ansa insait long tingting bilong mi i go olsem: Hia mi lukim wanpela narakain lain yangpela pipel. Wan wan yangpela boi na meri i kirap toktok, i luk hepi. Wan wan i no sem, i no pret. Olgeta wan wan i narakain man o meri. . . . Ol i bel isi, i save lap. Na ol i no bin skul long dispela samting. Nogat. Mi ting em i samting ol i bin painim insait long laip na wok bilong ol. Na mi tingting planti. . . .

Hamas yangpela pipel i lukim ol na insait tru long bel bilong ol i mangalim ol?

Hia em i lain yangpela pipel i no save wari liklik long mani, i no save wari long painim wok. Oltaim ol i gat wok. Hia em i lain boi i no wari long baim meri. Hia em i lain meri i no wari long painim olde kain kain naispela klos. Hia em i lain yangpela pipel i no mas wari liklik long painim kaikai, long painim haus, long bungim mani. Na ol i hepi - yu ken lukim long ai na harim long nek bilong ol.

Ol dispela yangpela pipel i bin givim laip bilong ol long God na wok bilong God. Ol i Brata na Sista na ol i laik bai planti arapela yangpela pipel i kam bihainim ol. Ol i soim long tok na pasin bilong ol - dispela laip i no pulap long olkain tambu tasol. Nogat. Em i fri. Wan wan i bihainim laik bilong em na i bin go insait. Na sapos ol i no laik, ol i ken kam bek arasait. Tasol nogat - ol i stap, na ol i hepi.

Mi ting em i gutpela ol dispela yangpela hepi pipel i mas raun moa na sanap long ai bilong moa yangpela pipel. Na ating planti i lukim pes bilong ol tasol na ol i stat long mangalim ol. . . . na i go bihainim ol.



EDUKESSEN NIUS

Nesanel Eksekutiv Kaunsil wantaim Minista bilong Edukesen, Mista Oscar Tammur, i bin makim wanpela spesel komiti i gat 10-pela spesel memba. Ol i raun nau long olgeta 19 provins bilong kantri na glasim gut olgeta pasin bilong wok bilong ol skul.

Hetman bilong dispela komiti em i wanpela nupe-la profesa bilong Yunivesiti bilong PNG, em Profesa Cyril A. Rogers, i no longtaim bipo em i bin winim 20 yia wok long tupela kantri bilong Afrika em Zambia na Botswana.

Komiti i laik painimaut hamas mani wan wan provins i laik makim bilong mekim go het wok eduksen long ol praimer na haiskul na vokesenel skul. I tru, nau wan wan provins i mas baim na bosim eduksen bilong em yet. Tasol dispela grup bilong nesanel opis i mas helpim na stiaim ol.

Ol memba bilong dispela komiti i bilong Dipatmen

bilong Edukesen, Tisa Edukesen Komiti, Edukesen Kaunsil bilong ol Sios, Y.W.C.A., PNG Tisa Asosiesen, Nesanel Plening Opis, Yunivesiti bilong PNG, Palamen, na Provin-sal Gavman.

Ol dispela man i stap long dispela kaunsil: Dokta B. Negewo, Mista Josaphat Makail, Dokta S. Weeks, Profesa C.A. Rogers, Mista A. Neundrof, Mista V. Reva, Mista W. Arp, Misis W. Abajjah, Mista B. Tauwaole, Dokta J. Conroy.

Komiti i bruk 4 hap na i raun na i laik toktok wantaim ol provinsal gavman opisa, provinsal eduksen bot, ol sios eduksen opisa

long provins, ol hetmasta na tisa bilong ol skul, ol inspekta, na olgeta man-meri nating i gat sampela aidia ol i laik autim.

Dispela komiti i laik redim tingting bilong eduksen dipatmen i go long 5-pela yia i laik kamap. Bihain dispela spesel komiti i pinisim wok na ripot bilong em, bai em i givim long Minista bilong Eduksen, Mista Oscar Tammur long mun Jun.

Sapos yu gat sampela aidia na tingting long eduksen na yu laik autim na yu no bin bungim ol dispela grup, orait, yu rait i go long:

Department of Edukesen
P.O. Box 2051
Konedobu.

Nupela Marit Lo

Komisin bilong stretim ol lo bilong kantri i bin wokim pinis wanpela pepa i gat kain kain tingting bilong en long lo bilong ol famili. Dispela pepa i toktok long marit, long brukim marit, long lukautim pikinini bihain marit i bruk pinis, long ol pikinini i no save long papa bilong ol, na kain samting olsem.

Komisin i laik bai ol pipel i ken ritim gut tingting bilong en na autim tingting bilong ol yet long ol dispela samting.

Namba wan aidia i tok, i mas gat tupela kain marit: marit long pasin bilong ples o tumbuna, na marit long kiap o long lotu. Na tupela i mas wan-kain long ai bilong lo.

Marit long pasin bilong ples, o pasin tumbuna - em i dispela kain we tupela pipel long laik bilong tupe-la yet i sindaun i stap wantaim na papamama na ol wanlain na wanfamili bilong tupela i pilim tupela i marit tru. Dispela kain marit long ai bilong nupela lo, em i marit tru, na yu ken kisim gavman setifiket long em olsem long marit long lotu.

Arapela kain marit em i dispela we tupela pipel i sekan long ai bilong kiap o long lotu. Bikpela samting long tupela kain marit - em dispela bilong tumbuna na dispela bilong lotu - em hia: olgeta pipel long ples i mas save na i pilim em i marit tru.

Dispela pepa bilong komisin i ting tu olsem: sapos tupela i pipel i sindaun i stap na slip wantaim inap longtaim liklik - tasol tupela i no marit long pasin tumbuna o pasin lotu - dispela tupela pipel tu i mas gat sampela kain rait long ai bilong lo, olsem ol pipel i marit tru i gat.

Dispela pepa i makim 5-pela as tingting bilong katim marit. Em i stat long pasin bilong tupela marit oltaim i pait pait, o sapos wanpela i go brukim marit na i stap na slip wantaim arapela man/meri. Na i pinis long pasin we tupela marit long laik bilong tupela tasol inap long katim marit.

Long hap we pepa i tok long ol pikinini, em i strong long dispela samting: lo i mas lukaut bai laip bilong pikinini i no bagarap, sapos papamama i marit. Lo i mas tingting gut, wanem samting i mobeta - pikinini i stap wantaim mama o wantaim papa o wantaim husat?

Na nupela lo i laik bai haus na ol samting insait long en i mas go long man o meri i sot tru long ol dispela samting, sapos marit i kat pinis.

Na wanpela samting moa, dispela nupela lo i laik givim pawa long ol distrik na lokal kot long katim marit bilong tupela

(i go moa long pes 20)



PAS I KAM LONG AMERIKA

Dia Edita - Mi laik askim yupela long printim liklik toktok bilong mi hia long WANTOK.

Mi wanpela man bilong Papua Niugini stret. Mi wok long stadi long Chicago, em i namba tu bikpela siti long U.S.A. (7 milion pipel long wanpela siti tasol.) Mi save kisim Wantok Niuspepa na mi amamas moa long ritim leta bilong ol man na meri bilong Papua Niugini stret insait long Wantok. Olsem na mi raitim dispela leta bilong autim TENKYU na AMAMAS bilong mi. Leta bilong mi i gat tripela poin bilong tektok:

(1) Mi laik tok TENKYU i go long ol bikpela man bilong Lotu Katolik. Long wanem ol i pasim gut tok wantaim long kamapim wanpela niuspepa long tok ples bilong ol Papua Niugini pipel. Em nau yumi gat WANTOK, em i Niuspepa bilong ol Papua Niugini stret.

(2) Namba tu poin - em mi laik tenkim Pater Francis Mihalic SVD, na ol manmeri i wok wantaim em long mekim WANTOK i kamap gutpela Niuspepa bilong ol pipel long Papua Niugini.

(3) Las poin bilong mi i go long ol man na meri i save raitim leta i go long Wantok Niuspepa. Mi amamas long lukim Papua Niugini i gat nau wanpela nesenel niuspepa long tok ples - Melanesian Pidgin.

Planti pipel bilong Papua Niugini no save long ritim tok Inglis. Olsem na ol i no inap ritim ol kain kain nius long "Post Courier", narapela niuspepa long tok Inglis. Tasol ol i ken ritim o harim nius long Wantok Niuspepa.

Mi amamas long lukim tu ol meri i wok nau long salim leta i go long Wantok. Em i gutpela samting. Ol man na meri wantaim i mas rait. Yumi gat nau niuspepa bilong yumi yet bilong autim wari, tingting i mas rait. Yumi gat nau niuspepa bilong yumi yet bilong autim wari, tingting na toktok long bel bilong yumi.

Sapos gutpela tingting i stap hait tasol long bel, bai ol narapela Papua Niugini i no inap harim na kisim save long en. Wantok

BUSMERI RAIT

Dia Edita - Mi wanpela busmeri, laik bekim sampela toktok o skelim tingting bilong mi i go long ol lain man ya Wesley B., John D., Beye B., Wolhi D., na Jimmy B.

Ol i tok ol meri bilong masta (lokal) o meri raun long taun ol i bilasim ol yet olsem monki stret. Em i tru, mi guria taim mi lukim ol sampela meri i bilas olsem bikos mi save i stap longwe tru long taun, na mi no save lukim wanpela meri olsem ol bipo.

Tasol narapela tingting bilong mi i go olsem, God i givim wan wan bilong mipela FRI WIL long yumi wan wan long stretim wari bilong mipela. Meri i mekim olsem em i wari bilong em, em yet i amamas long gutpela de bilong em.

Yumi manmeri i gat gutpela het, yu laik tru long mekim wanpela samting na yu mekim o wokim pinis, bihain yu amamas tru.

Yu man save sevim

Niuspepa em i rot bilong autim tingting, toktok, na wari.

Tasol yumi mas lukaut gut long kain stail bilong toktok i save daunim, mekim sem na bagarapim gutpela nem bilong narapela. Yumi mas rait tasol bilong autim gutpela tingting, stretim mistek bilong em na mekim em na ol narapela pipel i kisim save long wanem samting i tru na i gutpela.

Mi laik tok gen TENKYU. Yumi Papua Niugini i gat nau niuspepa bilong yumi yet. Mi laik tok tenkyu tu i go long Wantok. Mekim save! No ken slek nau. Wantok em i wanpela rot bilong helpim Papua Niugini kamap gutpela kantri bilong sindaun long en.

Frank Namonun,
Chicago/U.S.A.

mausgras bilong yu long kain kain stail na yu lukim long glas na yu amamas tu, na tok em i luk gut, em yu pinisim wari bilong yu. Nogat tok.

Ol dispela lain meri ya ol i amamas na em i pinis. Yupela i ting i gat wanpela lo bilong bosim laik bilong narapela man? God i bikpela long olgeta samting tasol, em i no bosim laik bilong mipela. Fri wil i wanem samting?

Yupela ol dispela lain man, yu laik katim wanpela pinga bilong yu em i laik bilong yu. Yu laik werim sket bilong ol meri o meri blaus em i laik bilong yu i no gat wanpela man bai kam long yu na tok em bilong ol meri, yu rausim. Em laik bilong yu.

Em tasol wari bilong mi long dispela ol lain manmeri. Mi no wanpela poroman o lain bilong ol dispela monki meri. Mi bilong bikbus tru na i no save long ol bilas bilong ol monki meri. Tasol mi stretim o skelim sampela

MINISTA BILONG OL SIOS

Dia Edita - Mi laik bekim pas bilong Lukas Hauseng. Toktok i go olsem: Lukas i tok long i no gat minista bilong sios. Ating yu slip long wanpela hul bilong ston na nau tasol yu kirap na askim gavman long salim sios minista long yu.

Mipela olgeta sios i gat minista na pasta na misineri tasol yu no lukim. Yu slip long wanem hap na nau tasol yu kirap.

Lukas, ating yu wanpela trabelman i stret, na askim gavman long salim sios minista, Lukas mi ken tokim yu em i no bisnis bilong gavman na askim gavman long sios minista. Lukas tingting gut na rait i go long Wantok Nius. Yu i no ritim baibel na no ken seksek long minista yu mas ritim baibel yu yet. Minista i no inap kisim yu i go long heven.

Sapos yu lusim pasin nogut na bihainim lo bilong gavman na misin wantaim em yu tu minista bilong sios. No ken askim gavman long sios minista wantok no ken rait nating long tingting gut na rait i go long Wantok Nius. Em i no bisnis bilong gavman sapos yu laik i go long heven lusim kain kain pasin nogut na bilip long Jisas bai yu i go long heven.

Em tasol mi bekim pas bilong Lukas Hauseng. Tenkyu tru.

Willy Pesap,
Bougainville.

aidia o as bilong laik bilong ol manmeri.

Misis Maggie Aglua,
Ambullua/W.H.P.

Salim ol pas
i kam long:
WANTOK
BOX 1982
BOROKO



MARITIM PLANTI MERI

Dia Edita - Mi laik mekim hap tok long pas bilong Moses Donald Ipuia i kam long Porgera/Enga. Long Wantok namba 212, em i tok em i gat strongpela wari bilong wanem ol planti loman na tu sampela palamen memba i wok long grisim planti yangpela meri na dabolim 3 o 4-pela bilong ol yet na ol olupela meri i krai krai i stap:

Em i tru brata Moses tasol yu tingting gut pastaim. Sapos yu olsem wanpela loman o palamen memba na ol yangpela meri i tok orait long maritim yu bai yu mekim wanem? Sapos yu man bilong graun, mi i no ken tokim yu ansa bilong dispela kwesten. Ol yangpela meri save pinis ol i gat olupela meri tasol ol yet laik maritim ol bikman bilong ples.

Mi tu bilong Enga Provinces na mi save gut long dispela samting. Na tu mi save olsem ol olupela meri i no save kros olgeta taim. Kros bilong ol bai pinis hariap inap long 3 o 4 wik samting. Bilong wanem ol i save pinis olsem em i lo bilong tumbuna long maritim 3 o 4 meri. Em bai planti pikinini na dispela lain bai kamap bikpela.

Sapos yu ting loman o palamen memba bilong ples bilong yu i no mekim wok bilong em gut bilong wanem em i gat planti meri, orait yu mas tokim ol pipel long i no ken votim em long neks ileksen.

Mi save long planti loman o palamen memba i gat 3 o 4 meri tasol ol save mekim wok bilong ol gut.

Em tasol brata.

Henry Kim Yarata,
Panguna/Not Solomons


PAINIM PEN PAL LONG OL KANTRI BILONG GRAUN

Juinim dispela siosel pen pal klap. Wantu bai yu painim pen pen long olgeta kantri bilong graun. Rait tasol i kam long mitim.

Five Continents Club
Waitakere
New Zealand



NIUS BILONG OL MERI



Poto antap i soim ol meri i sindaun samapim klos. Na tupela piksa arere em i bilong soim olkain kaikai i wokim bodi bilong yu na i gutpela.

Is Sepik Soim Rot

I gat 26 meri olgeta i bin i stap insait long wanpela kos long Kubalia stesen insait long Is Sepik Provins. Dispela kos i bilong lainim ol samting bilong gutpela sindaun long ol ples.

Ol meri insait long dispela kos i bin makim 11-pela klap insait long Sausia Lokal Gavman Kaunsil.

Meri husat i save holim wok olsem welfe ofisa long ol dispela ples, nem bilong em Misis Sisi Jonathan, i bin ranim dispela kos.

Long dispela ko ol meri i bin lainim ol dispela kain samting: samapim klos, kukim gutpela kaikai, ol rul bilong helt na hajjin, kain kain spot, famili plening, na wokim loliwara long Rosella plaua.



PANKEK LONG TARO

Yu mas bungim:

- (1) wanpela taro, bikpela liklik
- (2) tin mit
- (3) wanpela anien
- (4) wanpela kiau
- (5) tupela bikpela spun plaua
- (6) sampela sol na pepa
- (7) sampela wel o gris

Yu kukim olsem:

Rausim skin bilong taro na wasim. Katim liklik liklik na putim long sospen. Kukim. Rausim wara. Putim ol hap anien na sol na pepa na mit nau wantaim taro. Abusim wantaim. Nau kisim sampela long han bilong yu, na wokim pankek. Brukim kiau na paitim. Nau pentim pankek wantaim dispela kiau, karamapim long plaua. Orait, nau yu praim.

Yu ken yusim pis long ples bilong mit long dispela pankek tu.



**TOK SAVE BILONG ILEKSEN BILONG WANPELA MEMBA
BILONG NESENEL PALAMEN BILONG WANPELA ILEKTORET
I STAP NATING**

I GO LONG: REX NANGAI SABIN

Em opisa bilong bosim ileksen bilong Moresby North-East Open Ilektoret.

Dispela tok save i tokim yu, yu mas bihainim ol lo bilong bosim ileksen bilong makim wanpela nupela memba bilong Nesenel Palamen bilong ilektoret bilong Moresby North-East Open Ilektoret i stap nating nau. Na mi makim ol dispela de bilong mekim dispela wok ileksen:

1. De bilong nominesen - 19 Me 1978.
2. Sapos tupela i resis o planti manmeri i resis long ileksen, orait, namba wan de bilong vot em i 24 Jun 1978.
3. Na las de bilong vot, sapos tupela o moa i resis long ileksen, em i long 26 Jun 1978.
4. Yu mas salim dispela toksave i kam bek long mipela long 3 Julai 1978 o bipo long dispela de.

Mi yet mi painim dispela long han bilong mi long Port Moresby long de namba 10 bilong Epril, 1978.

Tore Loko

**TORE LOKOLOKO
GAVANA JENERAL, I WOK WANTAIM TOK SAVE I
KAM LONG KOMISIN BILONG BOSIM OL ILEKSEN.**

**TOK SAVE BILONG ILEKSEN BILONG WANPELA MEMBA
BILONG NESENEL PALAMEN BILONG WANPELA ILEKTORET
I STAP NATING**

I GO LONG: BENJAMIN PROBERT

Em opisa bilong ileksen bilong Koroba-Lake Kopiago Open Ilektoret.


Dispela tok save i tokim yu, yu mas bihainim ol lo bilong bosim ileksen bilong makim wanpela nupela memba bilong Nesenel Palamen bilong ilektoret bilong Koroba-Lake Kopiago Open Ilektoret i stap nating nau. Na mi makim ol dispela de bilong mekim dispela wok ileksen:

1. De bilong nominesen - 6 Me 1978.
2. Sapos tupela o moa manmeri i resis long ileksen, orait namba wan de bilong vot em i 17 Jun 1978.
3. Na las de bilong vot, sapos tupela o moa i resis long ileksen, em i long 8 Julai 1978.
4. Yu mas salim dispela tok save i kam bek long mipela long 15 Julai 1978 o bipo long dispela de.

Mi yet mi sainim dispela long han bilong mi long Port Moresby long de namba 7 bilong Epril 1978.

Tore Loko

**TORE LOKOLOKO
GAVANA JENERAL, I WOK WANTAIM TOK SAVE I
KAM LONG KOMISIN BILONG BOSIM OL ILEKSEN.**



**TOK SAVE I GO LONG OL KENDIDET
NA OL PIPEL I LAIK VOT**

Olgeta kendidet na olgeta arapela pipel i mas save gut long ol dispela de:

1. BAIYER-MUL OPEN BAT ILEKSEN

- (i) Nominesen i stat - 10 Mas 1978
- (ii) Nominesen i pinis - 8 Epril 1978
- (iii) Stat bilong vot - 20 Me 1978
- (iv) Pinis bilong vot - 3 Jun 1978
- (v) OPvot i kam bek - 10 Jun 1978

**2. KOROBA-LAKE KOPIAGO OPEN BAI
ILEKSEN**

- (i) Nominesen i stat - 7 Epril 1978
- (ii) Nominesen i pinis - 6 Me 1978
- (iii) Stat bilong vot - 17 Jun 1978
- (iv) Pinis bilong vot - 8 Julai 1978
- (v) Ol vot i kam bek - 15 Julai 1978

**3. MORESBY NORTH-EAST NA MORESBY
NORTH-WEST ILEKTORET BAI ILEKSEN**

- (i) Nominesen i stat - 10 Epril 1978
- (ii) Nominesen i pinis - 19 Me 1978
- (iii) Vot long dispela
tupela de tasol - 24 na 26 Jun 1978
- (iv) Ol vot i kam bek - 3 Julai 1978

5. MENYAMYA OPEN BAI ILEKSEN

- (i) Nominesen i stat - 21 Epril, 1978
- (ii) Nominesen i pinis - 26 Me, 1978
- (iii) Stat bilong vot - 1 Julai, 1978
- (iv) Pinis bilong vot - 15 Julai, 1978
- (v) Ol vot i kam bek - 28 Julai, 1978

Sapos yu laik kendidet insait long wanpela dispela bai ileksen, yu mas givim nominesen bilong yu long opisa bilong bosim ileksen long ilektoret bilong yu. Yu mas mekim dispela bipo taim bilong nominesen i pinis.

Yu mas bringim wanpela poto wantaim nominesen tiket bilong yu na dispela poto em i mas 10 ins x 11 ins. Na yu mas baim nominesen long K100 long mani stret o sek bilong beng. Yu no ken baim long wanpela sek bilong yu stret.

Yu no ken wet, yu go hariap na putim nominesen bilong yu nau tasol.

**J.S. Mileng
Komisina bilong bosim ileksen
P.O. Box 5348
Boroko
14 Epril 1978.**

Mista Critchley Pinistaim

Ol i makim pinis Hai Komisina bilong Australia long NG, Mista Tom Critchley, long kamap tokman bilong australia i go long Indonesia.

Mista Critchley i bin kamap Hai Komisin bilong Australia long PNG long yia 1974. Mista Critchley i bilong Melbourne. Em i go skul long North Sydney Boys' High school na winim Yunivesiti bilong Sydney na kisim setifiket long wok bisnis.

Em i bin stat wok long Rural Beng bilong Nu Saut Wales long yia 1938, em i kamap namba tu ofisa long kainens dipatmen bilong Nu Saut Wels Provins.

Em i bin pait olsem soldia insait long ami bilong Australia long taim bilong woa.

Mista Critchley i bin wok long Englan, India, Indonesia, Malaysia, na Thailand.

Em i bin kisim medal ol i kolim "Commander of the British Empire" (CBE) long yia 1964. Long yia 1965 em i kisim medal ol i kolim "Order of Panglima Margku Negara". Na long 1976 ol i makim em wanpela ofisa of the Order of Australia (A.O.).

Mista Critchley em i marit na em i gat 4-pela pikinini neri.

Wanpela man nem bilong em Mista Daniel Nutter husat bin makim Australia insait long Filipin Ailan bai kisim les bilong Mista Critchley.



Poto i soim Mista Tom Critchley wantaim famili bilong em, sampela yia bipo long Port Moresby. Nem bilong meri bilong em Susan. Na kirap long lephan yu ken lukim ol pikinini meri ya: Karen Laurie, Victoria Ann, Samantha Jane, na Elisabeth Julia.

BOROKO MOTORS



Tractors
Equipment


YU KEN LUKIM NUPELA FORD TRAKTA
LONG BOROKO MOTORS LONG OLGETA
HAP BILONG PAPUA NIUGINI na tu
long ARAWA MOTORS.




EM I WINIM OLGETA ARAPELA TRAKTA
INSAIT LONG PAPUA NIUGINI

***** PLANTI SPEA PAT

***** PLANTI MEKANIK





TOK SAVE LONG MAKIM NUPELA OPISA BILONG ILEKSEN

KOMISIN BILONG BOSIM OL ILEKSEN, long pawa em i kisim pinis long hap namba 18 bilong bikpela lo bilong bosim ol ileksen, i mekim nau dispela tok save:

(a) Em i tekewe wok bilong Moses Sangkol olsem opisa bilong bosim ileksen long Koroba-Lake Kopiago Open Iektoret. Dispela i bihainim lo bilong makim ol opisa bilong ileksen, em ol i bin wokim long 18 Februeri 1977, na i bin prinim insait long "National Gazette" Namba 623 bilong 10 Mas 1977

(b) na em i makim BENJAMIN PROBERT olsem opisa bilong bosim ileksen long Koroba-Lake Kopiago Open Iektoret.

Mi J.S. Mileng, Komisina bilong bosim ol iektoret, i bin sainim dispela long 7 Epril 1978.

Local Government (Urban Council Electoral Provisions) Regulation 1978.

TOK SAVE BILONG JENERAL ILEKSEN BILONG OL KAUNSI BILONG PORT MORESBY SITI KAUNSI

I GO LONG: STONNY NUNA, em opisa bilong bosim ileksen bilong Port Moresby Siti Kaunsi.

Dispela tok save i tokim yu, yu mas bihainim lo bilong wokim wanpela ileksen bilong makim 27 kaunsi bilong 9 wod insait long Port Moresby Siti Kaunsi, olsem lo bilong ol i tok pinis. Mi makim ol dispela de bilong mekim dispela wok ileksen:

1. Las de bilong nominesen bilong ol memba i laik resis insait long dispela ileksen, em long belo stret long de namba 21 bilong Epril, 1978.
2. Sapos tupela o moa manmeri i resis long dispela ileksen, orait, namba wan de bilong vot em i 11 Me 1978.
3. Na las de bilong vot, sapos tupela o moa i resis long ileksen, em i long 13 Me 1978.
4. Yu mas salim dispela tok save i kam bek long mipela long de namba 3 bilong Jun, 1978, o bipo long dispela de.

Mi yet mi sainim dispela long han bilong mi long Port Moresby long de namba 22 bilong Mas, 1978.

John Momis
MINISTA BILONG BOSIM OL PROVINS

Bungim Moni

Ol Komonwel Minista bilong 34 kantri i bin kibun long Englan long mun Epril long wokim wanpela komo fan bilong ol yet.

Komon Fan em i taim sampela kantri i bungim plan: mani na ol memba kantri i ken dinau long dispela mar tasol ol i ken putim liklik profet mani tasol taim ol i bek im bek dispela mani.

Deliget bilong PNG em Minista bilong Bus na Wara Mista Boyamo Sali.

Sampela kantri husat i stap long dispela kibung em Australia, Englan, Singapore, India, Kenya, Banglades na New Zealand. Ol deliget bilong ol dispela kantri i kro liklik long wanem ol i no inap long kamapim dispela fai kwiktam.

Yunaitet Nesens Trenim Ol

Tripela pipel bilong Papua Niugini i bin kisim Yunaitet Nesens felosip bai ol i ken skul moa long wok bilong ol.

MISTA OSCAR NATERA, hetmasta bilong bikpel skul long Vudal long Is Nu Briten, em bai stap insait long wanpela kibung long Rural Developmen na Trenim Institut long ples-Bangkok long kantri Thailand. Dispel miting em i bilong skulim ol man husat i laik mekim wo developmen long ol ples.

MISTA ALEX SANGUL bilong NBC bai stap insait long wanpela kos bilong ol man i trenim ol brotka opisa. Em bai skul long Kuala Lumpur long kanti Malaya, inap wan mun samting. Esia Pasifik Institut b long Brotkasting Developmen i ranim dispela kos n namba wan ting em i go long trenim ol man bai prograr bilong ol i pas gut long kantri bilong ol.

MIS BALIM SINGIROK bilong Nesenel Plening Opi long Waigani bai go long London long Englan long war pela kos long sosol wok bilong developmen. Em bai sta 11-pela wik olgeta. Mis Singirok i bilong Karkar Aila long Madang.

Mosbi PMV Trabel

Siaman bilong Nesenel Transpot Bod, Mista Paul Kipo, i tok lain bilong em nau i wok long stretim sampela wari i bin kamap long wanem ol PMV na bas i no save karim ol man gut long Mosbi.

Em i tok, lain bilong em i wok long tingting long wokim taim tebol bilong ol bas kampani na tu ol PMV ka. Ol draiva bai mas bihainim dispela taim tebol.

Planti kros i kamap long ol man i save lusim haus bilong ol hariap long mon- ingtaim tasol ol i no save kamap long ples bilong wok kwik.

Transpot Bod i laik painimaut sapos ol i mas givim moa laisens long ol man bilong ranim PMV

long wok long olkain ples olsem Gerehu.

Em i tok olgeta PMV nau mas karim nem bilong ol ples dispela PMV bai ran i go long em na i no ken lusim ol pasindia long hap rot tasol. Em i min olsem sapos PMV i tok em i go long Hanuabada, orait em i mas karim ol pasindia i go long Hanuabada na mas no ken lusim ol pasindia long 4 mail tasol.

Mista Kipo i tok ol man bilong ronim ol PMV husat i no bihainim dispela lo bai inap long lusim laisens na tu i ken kot.

Japan Sios

Helpim PNG

Lotu Engliken bilong Japan i bin tok orait long helpim ol PNG Engliken olsem bai ol i salim sampela yangpela man na meri bilong wokim wangepa projek long Manan eria bilong Noten Provins.

Tupela deliget bilong lotu Engliken long Japan i no longtaim i go pinis i bin stap long PNG long pinis-im ol plen bilong dispela projek na wangepa long tupela ya i bin tokim Asbisop David Hand, dispela em i wangepa wok bilong bringim klostu gen ol man i bin pait long taim bilong woa.

Diken Uedo Jintaro, em namba tu jeneral sekreteri bilong Nesanel Kristen Kaunsil bilong Japan, i bin tok, dispela wok em i gutpela bilong ol yangpela bilong Japan long kisim save na tu spirit bilong ol i ken kamap strong.


Em i bin tok strong olsem taim ol manmeri bilong Japan i wok wantaim ol pipel long hia ol bai kis-

im planti save long PNG, long wanem Japan i gat planti taun tumas na i bin lusim pinis planti naispela samting bilong bus na gaden na maunten i save kamap nating long graun.

Mista Jintaro i tok, ol i laik helpim ol man bilong PNG long save gut long ol Japan, long wanem long taim bilong pait yet. Planti PNG i gat tingting nogut long ol Japan.

Em i tok dispela projek em i liklik traime tasol na lotu Engliken bilong Japan i stap resis long helpim lotu Engliken bilong PNG moa yet.

I luk olsem sampela yangpela pipel bai kam long mun Desemba long wokim dispela wok.



Pater Josua Kominame i bin poromanim Mista Jintaro na lukluk raun bilong tupela i bihainim lukluk raun bilong Bisop John Okuba, em i hetman bilong lotu Engliken long Japan i go long Noten Pro-

vins long tupela yia i go pinis.

Poto antap i soim Pater Josua Kominame long opis bilong em long Japan.

Pasin bilong kaikai buai em i bikpela samting tru long planti kantri, i no long PNG tasol. Nogat. Ol i ting samting olsem 200 milion pipel i save kaikai buai. Em i wangepa pasin i lapun tru

5 Jun 1978

DE BILONG TINGTING GUT LONG OL GUTSAMTING I STAP NABAUT-INSAIT LONG BUS NA WARA

Opis bilong lukautim ol bus na wara na abus na pisin wantaim Nesanel Museum bilong Papua Niugini i laik singautim yu long kam insait long

WANPELA RESIS

I gat tupela kain grup na tupela prais

(1) Long ol manki aninit long 13 yia

Ol i mas mekim wanem: Salim i kam long mipela wangepa piksa bilong kumul ol i bin droim o pentim. O salim sampela makmak i bihainim lain na luk na mak bilong kumul.

Prais: Air Niugini bai givim tiket long balus bai go ken go na kam bek fri long Maun Hagen, na bai yu ken stap wangepa wiken olgeta long bikpela banis bilong ol kumul long Baiyer Riva.

(2) Long olgeta manmeri i winim 14 yia pinis


Ol i mas mekim wanem: (a) Raitim wangepa stori bilong ol kumul, o (b) Raitim wangepa stori tumbuna bilong ol kumul, o (c) Mekim stori long soim olsem wanem ol pipel long ples i save lukaut gut long ol kumul.

Prais: Air Niugini bai givim tiket long balus bai yu ken go na kam bek fri long Maun Hagen, na bai yu ken stap wangepa wiken olgeta long bikpela banis bilong ol kumul long Baiyer Riva.


Salim stori o piksa i kam long: Director, National Museum
P.O. Box 5560
BOROKO

Ol stori na piksa i mas kamap bipo 2 Jun 1978.
Stori i no ken winim 5-pela pes.

Bai ol i kolim nem bilong ol wina long taim ol i opim wangepa so bilong ol poto na piksa ol manmeri i bin pentim long olkain kumul. So bai stat long 2 Jun 1978.



CLEANS HAIR
KILLS LICE
PRETTY
JEVAIR
 SHAMPOO POWDER
 WITH
PB-P*



Pretty Hair
 wantaim PB-P
 i save
kilim ol laus kwiktai tru.
 Yu traim dispela paus.
 Em i fri.
 Na bai yu yet
 yu ken save.

**Het bilong mi i no skrap moa...i no gat laus moa...
 bikos mi yusim Pretty Hair.
 (Em i min naispela gras.)**

(PASIN BILONG RAUSIM OLGETA LAUS)

Sapos skin bilong het bilong yu i skrap, em i min yu gat laus. Sop na ting wantaim wara i no inap long rausim ol laus. Nogat. Yu mas yusim PRETTY HAIR. Em bai kilim ol laus kwiktai tru. Na sapos yu laik rausim olgeta laus tru long gras bilong yu, orait, yu mas bihainim dispela pasin hia:

LUKAUT

Ol laus ol inap kalap long gras bilong wanpela man/meri i go long narapela. Olsem yu mas lukaut bai olgeta pipel long famili bilong yu i yusim dispela PRETTY HAIR long wanpela wik. Na yu mas tambu long yusim kom o taul bilong arapela pipel. Sapos yu no laikim ol laus i kam bek long gras bilong yu, orait, yu mas yusim PRETTY HAIR wanpela taim long wik. Tasol sapos yu gat sua o buk long skin bilong het, yu no ken yusim.



1 Putim wara long gras. Nau kapsaitim sampela PRETTY HAIR paura long gras na rabim rabim inap spet i kamap.



2 Larim spet i stap olsem inap 10 minit. Bihain rausim dispela spet long klinpela wara.



3 Komin gras inap 5 minit samting, bilong rausim ol laus i dai pinis. 4 Mekim olsem olgeta tupela de, inap 3-pela taim. Long wan wan taim yu yusim

MANDE TUNDE TRINDE

FONDE FRAIDE

Orait **Nau Wantaim Long Wik**

wanpela tiklik paus PRETTY HAIR paura. Bihain olgeta laus i go pinis, em inap sapos yu wasim gras bilong yu long PRETTY HAIR wanpela taim long wik.

Pretty Hair wantaim PB-P i kilim ol laus kwiktai tru.

W595.W.T.

Goroka Taun Givim Wanpela Nupela Aidia




Poto antap i soim sampela yangpela Brata na Sista i makim lain bilong ol long bikpela miting bilong soim wok bilong ol long Goroka. Kirap long lephan yu lukim Sista Veronika (wanpela roseri Sista bilong Wewak), Sista Zita (makim lain OLSH em i wok nabaut long Rabaul na Kavieng na Moresby na Papua), Brata John (bilong De La Salle Brata i wok long Bomana na Bereina long Papua), Sista Hilaria (bilong lain FMI i bin stat long Vunapope klostu long Rabaul na i bikpela lain lokal Sista i wok nabaut long ol ailan), Sista Mona Marie (bilong lain Notre Dame Sista i ranim bikpela haikul long Kumdi long Baiyer Riva/Hagen na long Banz), Brata Andrew (em i bilong Kristen Brata, em ol i wok long Vuvu, Kaindi, Kondiu, Banz, Vunakanau.

Long Sande 16 Epril 12-pela lain pris na Brata na Sista i bin mekim wanpela kain so long bikpela Y.C. haus spot long Goroka bilong soim ol wantok ol i save mekim wanem kain wok.

Ol i bin mekim wanpela bikpela lotu wantaim singsing gita. Sampela tausen pipel i bin kam na lukluk raun long olkain poto ol i bin hangamapim nabaut long banis - olsem yu ken lukim long ol poto long dispela pes.

Bihain wan wan Brata na Sista i sanap na i stori long lain na wok bilong en. Mipela i gat moa tok long dispela samting long pes 3 bilong dispela niuspepa. Yu lukim.



WINIM MANI ISI TUMAS

PAINIM NA KISIM OLPELA TAIA I KAM
MIPELA DUNLOP I SAVE BAIM

DUNLOP

LAE: Aircorps Rot - klostu long maket

**TULTUL
TITAN**

Sampela taim, sapos yu wokim banis wantaim diwai bai diwai i sting na ol pik o bulmakau i ken brukim na ranawe.

Tasol sapos yu wokim wantaim TITAN AIN POS bai i stap oltaim.

Titan (NG) Pty Ltd. P.O. Box 25 Lae Ph 423988. 423497

MAS STRETIM SIMBU WARI

Pater John Momis, Minista bilong bosim ol Provins, i bin tok dipatmen bilong em i bin wokim wanpela komiti bilong glasim gut ol trabel o wari bilong Simbu Provins.

Memba bilong Simbu Provinsal Iektoret, Mista Iambakey Okuk, em i bin putim hevi long ol na i sutim tok long ol i no mekim gut wok bilong ol na em i laik ol i raus. Na wanpela grup Simbu i no laik tru long gavman bilong ol.

Dispela komiti bilong glasim gut dispela wari i gat sampela memba bilong Jastis dipatmen, na Fainens dipatmen, na Pablik Sevis Komisn, na Dipatmen bilong Bosim ol Provins.

Oi bai traim painimaut olsem wanem ol wokman na opisa i wok long Simbu Provinsal gavman i bin yusim mani bilong en, i bin harim tok na mekim wok bilong ol, na sapos ol i bin kisim sampela grismani o nogat.

Inap nau, ol dispela samting i toktok nating. Tasol lain bilong mista Okuk i strong long Minista bilong ol Provins i mas mekim dispela ripot hariap. Sapos nogat, bai ol i kirapim protes mas.

WOK NIUS MAS MEKIM WANEM???

Kaunsil Bilong Sios bilong stiaim wok redio na wok niuspepa, i laikim tru na i laik bihainim tru tok bilong Praim Minista. Long dispela wik em i bin autim tingting bilong em, na i tok olsem niuspepa na redio i mas helpim PNG i gro gut na i go het gut.

Dispela Sios Kaunsil i bin kibung long Moresby na i autim sampela wari bilong em. Em i wari bikos sampela niuspepa na redio stesin i save wok long salim na edvetaisim olkain "rabis kaikai" i no save helpim tru tit na helt bilong ol pikinini na yangpela pipel.

Oi memba bilong dispela kaunsil i save wokim redio program na niuspepa na ol slait na poto samting i pasim tok long bihainim tru dispela laik bilong Mista Somare long helpim rausim sik hangre long PNG. Oi i strong long yumi mas skulim ol pipel gut tru long groim na kukim gutpela kaikai.

Kaunsil i laik tu bai ol gavman dipatmen i yusim wok redio na wok niuspepa bilong ol sios bai ol tok save bilong gavman i ken kamap long planti pipel moa.

Kaunsil i no bel gut long sampela edvetais i save kamap long NBC, long wanem em i ting planti samting ol i tok long en, na i laik salim, i no save helpim tru go het bilong kantri. Kaunsil i laik askim siaman bilong NBC long traim painimaut sapos ol dispela pasin edvetais i bin helpim bisnis o sindaun bilong PNG o nogat. Oi i bin mekim wok edvetais inap wan yia nau, olsem nau em i gutpela taim long traim painimaut.

Mipela ORIM AGENCIES i tok
welkam long yu long Rabaul.

Mipela i papa bilong
ORIM'S LODGE
namba wan haus slip



Na mipela
i gat laisens.

Bet na brekpas
bilong yu = K8.50

Ring: 92.2277
de na nait



TOK SAVE BILONG ILEKSEN BILONG WANPELA MEMBA BILONG NESENEL PALAMEN BILONG WANPELA ILEKTORET STAP NATING

I GO LONG: STONNY NUNA

Em opisa bilong bosim ileksen bilong Moresby West Open Iektoret

Dispela tok save i tokim yu, yu mas bihainim ol lo bilong bosim ileksen bilong makim wanpela nupela memba bilong Nesenel Palamen bilong ilektoret bilong Moresby North-West Open Iektoret i stap nating nau. Na mi makim ol dispela de bilong mekim dispela wok ileksen:

1. De bilong nominesen - 19 Me 1978.
2. Sapos tupela i resis o planti manmeri i resis long ileksen, orait, namba wan de bilong vot em i 24 Jun 1978.
3. Na las de bilong vot, sapos tupela o moa i resis long ileksen, em i long 26 Jun 1978.
4. Yu mas salim dispela toksave i kam bek long mipela long 3 Julai 1978 o bipo i long dispela de.

Mi yet mi painim dispela long han bilong mi long Port Moresby long de namba 10 bilong Epril, 1978.

TORE LOKOLOKO
GAVANA JENERAL, I WOK WANTAIM TOK SAVE I
KAM LONG KOMISIN BILONG BOSIM OL ILEKSEN.

TOK SAVE BILONG ILEKSEN BILONG WANPELA MEMBA BILONG NESENEL PALAMEN BILONG WANPELA ILEKTORET I STAP NATING

I GO LONG: ALOYSIUS KALAKE

Em opisa bilong bosim ileksen bilong Menyamya Open Iektoret.

Dispela tok save i tokim yu, yu mas bihainim ol lo bilong bosim ileksen bilong makim wanpela nupela memba bilong Nesenel Palamen bilong Menyamya Open Iektoret i stap nating nau. Na mi makim ol dispela de bilong mekim dispela wok ileksen:


1. De bilong nominesen - 26 Me 1978.
2. Sapos tupela o moa i resis long ileksen, orait, namba wan de bilong vot em i 1 Julai 1978.
3. Na las de bilong vot, sapos tupela o moa i resis long ileksen, em i long 15 Julai 1978.
4. Yu mas salim dispela tok save i kam bek long mipela long 28 Julai 1978 o bipo long dispela de.

Mi yet mi sainim dispela long han bilong mi long Port Moresby long de namba 21 bilong Epril, 1978.

TORE LOKOLOKO
GAVANA JENERAL, I WOK WANTAIM TOK SAVE I
KAM LONG KOMISIN BILONG BOSIM OL ILEKSEN

ENGA WOK PATO

Moa olsem 20 gavman na sios ekstensen opisa i bin bung long haus kaunsil bilong Eria Autoriti long Wabag long Epril na wanpela bikpela samting ol i bin toktok long en, em i long kirapim wok bilong groim pato long Enga Provins.



Ol i bin autim ol dispela tok long wok pato:

- (a) Pasin bilong groim pato i winim pasin bilong groim kakaruk long Enga. Em i moa isi na mit bilong pato i wan-kain long mit kakaruk.
- (b) Wanpela lain ol i kolim Luteran Wol Rilif i bin presen long \$7,000 dola long statim wanpela projek long soim ol viles pipel na fama long Enga long pasin bilong groim pato.

- (c) Sampela lain fama i bin kirapim wok pato pins. Em hia nem bilong ol: Didiman long Wapenamanda, Waso Kampani, Lakan Famas, Amamusa Komyuniti, na Yaramanda Fama Skul.

Ol opisa i tok bai ol i laik kirapim dispela pasin bilong groim ol pato long viles na ples olsem:

Sapotim na bihainim

pasin bilong WASO long kirapim ol fama long froim pato. Long statim dispela tok ol i bin putim tasol K100 insait long en na makim wanpela boi nating i no bin winim skul fama long bosim. Ol i traime olsem.


Ol i laik bai ol dispela grup fama i save pinis long groim ol pato, i ken helpim ol arapela grup nabaut long ol i laik kirapim dispela wok tu.

Ol i ting, sapos ol pipel i lukim dispela wok na pasin bilong groim pato i go het gut, bai ol tu i laik bihainim.

*

Man i save gut tru long raitim buk, em i kain man i save givim bikpela save long man i rit, tasol i no westim taim bilong em. Em i save pasim bikpela save insait long sotpela tok.

”
Hetman bilong kantri Libya long Afrika, em Gadafi i bin tokaut olsem long wanpela miting long kantero Togo: “Yumi ol Muslim i mas pait long rausim olgeta Kristen long Afrika. Long wanem lotu bilong ol Kristen i bin bringim ol waitman i kam bosim mipela. Sapos yumi rausim olgeta Kristen, bai yumi fri tru.”
”



Strong Tru.

HUSKY DYNA

**Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.**

TOYOTA

BRANCHES
AT: PORT MORESBY 25 4088 LAE 42 2322 MT. HAGEN 52 1888

ELA MOTORS LIMITED


MADANG
82 2188

RABAUL
92 1988

KIETA
95 6083

WEWAK
86 2255

GSP ET 013P



OL DE BILONG VOT LONG BAIYER-MUL OPEN ILEKTORET

Sapos ol samting i ran gut, olgeta ples bilong vot long Baiyer-Mul Open Ilektoret bai op long 8 klok moningtaim long de bilong vot na i pas gen long 6 klok long apinun, bihain long olgeta man i sanap i laik vot long dispela taim, i vot pinis.

Daunbilo long lpehan yu ken lukim de bilong vot, na long raithan em i ples bilong vot.


TAIM BILONG VOT, PLES BILONG VOT

Sarere, 20 Me, 1978	BALK
Mande, 22 Me, 1978	BALK
Tunde, 23 Me, 1978	WARA
Trinde, 24 Me, 1978	WARA
Fonde, 25 Me, 1978	WUREP
Fraide, 26 Me, 1978	WUREP
Sarere, 27 Me, 1978	MABUGA
Mande, 29 Me, 1978	KUMDI
Tunde, 30 Me, 1978	KUMDI
Trinde, 31 Me, 1978	KOIBUGA
Fonde, 1 Jun, 1978	KOIBUGA
Fraide, 2 Jun, 1978	BUKAPENA
Sarere, 3 Jun, 1978	BUKAPENA
Sarere, 20 Me, 1978	KUIPBAUT
Mande, 22 Me, 1978	KUIPBAUT
Tunde, 23 Me, 1978	KUIPBAUT
Trinde, 24 Me, 1978	LAKA
Fonde, 25 Me, 1978	LAKA
Fraide, 26 Me, 1978	LAKA
Sarere, 27 Me, 1978	PAKALIS
Mande, 29 Me, 1978	PAKALIS
Tunde, 30 Me, 1978	PAKALIS
Trinde, 31 Me, 1978	MANKI RUTI
Fonde, 1 Jun, 1978	MANKI RUTI
Fraide, 2 Jun, 1978	MANKI RUTI
Sarere, 3 Jun, 1978	MANKI RUTI
Sarere, 20 Me, 1978	GEGL
Mande, 22 Me, 1978	BANUMP
Tunde, 23 Me, 1978	BANUMP
Trinde, 24 Me, 1978	BANUMP
Fonde, 25 Me, 1978	LAPARAMP
Fraide, 26 Me, 1978	LAPARAMP
Sarere, 27 Me, 1978	LAPARAMP
Mande, 29 Me, 1978	BAIYER STESIN
Tunde, 30 Me, 1978	BAIYER STESIN
Trinde, 31 Me, 1978	KULIMP
Fonde, 1 Jun, 1978	KULIMP

Mi raitim long dispela de namba 8 bilong Epril, 1978.

Gill KOLONGO

Opisa bilong bosim ilaksen bilong Baiyer-Mul Open Ilektoret bai ilaksen.



Dia Edita - Mi lukim planti man na meri na ol lapun tu ol i amamas tru long testim ai bilong ol long traim ai piksa yupela i save droim insait long Wantok Niuspepa.

Olsem na mi salim liklik aidia bilong mi i go long yupela na inap long yupela i droim o printim olsem mi droim long en? Mi i no grisim yupela, tasol sapos yupela i printim olsem, ating planti pipel i amamas long strongim masel long ai bilong ol ya.

Stori bilong em i go olsem. I gat 4-pela kem i stap, orait tupela kem i stap ontap na tupela kem i stap daunbilo, na antap tupela kem i gat nem olsem A na B. Orait A em i olsem ausait na B em i olsem banis kalabus, na daunbilo tupela kem i no gat nem bilong tupela tasol i wankain nem A na B.

Orait tupela man i lusim gutpela kem bilong tupela na wokabaut bihainim rot bilong i kam daun long narapela kem A tasol narapela em i spak pinis na ai bilong em i tudak na abrusim gutpela rot A na i go kamap long kem B na em i kalabus pinis. Na man i no dring em i wokabaut stret i kam i go aut long kem A na i go olgeta.

Em tasol tok askim bilong mi. Tenkyu.

*Benjamin Yapsón,
Boram/Wewak.*

”

Mista A.O. Taviai, wanpela man i bin stap inap 22 yia insait long pablik sevis i bin pinisim taim bilong em long 28 Epril. Em i Seketeri bilong Transpot.

Em i tok, em i no inap bihainim dispela nupela lo i laik pasim wok bisnis bilong ol lida na het opisa long gavman. Olsem mobeta em i risain nau, na go bek wok wantaim ol dokta na olgeta wok bisnis bilong ol.

Bipo long 22 yia Mista Taviai i bin joinim nesanel pablik sevis olsem tisa na nau em i bin kamap hetman bilong wanpela dipatmen.

Long dispela taim em i stap liv. Tasol nau bai em i no kam bek moa long dispela wok bilong em.



TOK SAVE I KAM LONG KOMISIN
BILONG BOSIM OL ILEKSEN BILONG
PORT MORESBY SITI KAUNSI

BAI OL I PENIM PINGA LONG
STRONGPELA BLAKPELA INK

Komisina Bilong Bosim Ol Ilekse, em Mista James Mileng, i laik tok save long wanpela nupela samting. Long taim bilong vot insait long jeneral ilekse bilong Port Moresby Siti Kaunsil bai ol opisa i makim pinga bilong votman o votmeri long blakpela ink.

Taim wanpela man o meri i kamap i laik vot na em i kisim vot pepa, long dispela taim yet wanpela opisa bai makim liklik pinga bilong lephan bilong em long strongpela blakpela ink. Dispela ink inap long stap tupela de, na i mekim bai wanpela man o meri i no ken vot gen insait long dispela taim. Dispela ink i no save bagarapim skin liklik. Ol i bin traim pinis long India na Sri Lanka, na nau Komisina Bilong Bosim ol Ilekse i laik traim long dispela ilekse bilong Port Moresby Siti Kaunsil. Mista Mileng i tok, bihain bai ol i bihainim dispela pasin tu long olgeta ilekse bilong provinsal gavman, na tu insait long nesenele ilekse. Ol i wetim tasol bai ol i stretim ol lo bilong bosim nesenele na provinsal gavman ilekse.

Komisina Bilong Bosim Ol Ilekse, i tok bai ol opisa i bihainim dispela pasin long taim bilong vot long wanpela ilekse:

- (a) Ol i askim votman sapos em i bin putim nem bilong em long lista bilong vot.
- (b) Ol i traim painim nem bilong em long lista.
- (c) Votman i mas soim tiket ol i kolim "Form UC. 2" bilong soim em inap long vot.
- (d) Ol i lukim liklik pinga long lpehan bilong votman, bilong lukim i gat ink o nogat. Olsem: em i bin vot pinis o nogat.
- (e) Sapos i no gat ink long dispela liklik pinga long lephan, bai ol opisa i putim ink long en nau, na i givim vot pepa long votman.
- (f) Sapos votman i no laik, o i tambuim opisa long makim liklik pinga bilong em long blakpela ink, orait, em i no ken kisim vot pepa. Em bai tambu long vot.

Komisina Bilong Bosim Ol Ilekse i tok olsem: dispela pasin bilong yusim ink long pinga, na dispela pasin bilong votman i mas soim tiket, na nem bilong em i mas stap long lista bilong vot - ol dispela tripela samting wantaim bai helpim ol opisa bilong ilekse, na i pasim rot bilong man o meri i laik trik na vot tupela o tripela taim.

Mista Mileng i tok yum mas strongim ol lo bilong vot insait long neks 12-pela mun, bai ol votman i no inap bagarapim ol ilekse long kain kain pasin nogut.

J.S. Mileng

Komisina Bilong Bosim Ol Ilekse
20 Epril 1978

Stori Tumbuna

Winim Mambu Wokim Tais



Bipo tru ol tumbuna long hap bilong Torembi namba wan insait long Ambunti Sub District long East Sepik Provins, i gat wanpela Haus Tambaran nem bilong em ol i save kolim Sai. Sai em i wanpela haus tambaran we ol man bipo bipo save katim skin bilong ol yangpela mangi.

Wanpela taim ol i bilasim dispela haus tambaran nogut tru na dispela taim olgeta manmeri long ples Torembi ol i go daun long raunwara long hap long Korogo long painim sampela pis. Na i nogat man o meri long ples na ol i lusim tripela man tasol, wanpela long tupeal em i maus-pas i no save toktok.

Tupela man i go antap long dispela Haus Tambaran na mekim save winim mambu istap. Na tarangu

maus pas i sindaun aninit long dispela Haus Tambaran, nau klaut i pairap na bikpela win ren i kam, tasol tupela man ya mekim save winim mambu istap.

Nau wara i stat long kamap long ol hul bilong pos bilong Haus Tambaran. Nau tarangu mauspas man ya ron i go antap na mekim toktok long tupela long han tasol, na tokim tupela olsem wara i kamap nau long as bilong olgeta pos long Haus Tambaran.

Tasol tupela i no bilip long toktok bilong tarangu man ya tupela mekim save winim mambu istap. Wara i kamap bikpela moa man ya tarangu ron i go antap tokim tupela tasol tupela i no harim tok bilong mauspas man.

Nau wara i kamap bikpela moa na daunim Haus

Tambaran na tripela man na kisim i go ausait long wanpela ples tais. Nau dispela hap ol i kolim Selepankraku.

Sapos yu go long Torembi namba wan na askim long dispela hap bai ol i soim yu, na sapos yu go long dispela hap Selepankraku long nait taim, bai yu harim tupela man ya winim mambu long dispela hap, na dispela hap em i gat ples tais.


Yu no inap i go klostu. Sapos yu go klostu, bai dispela Haus Tambaran i daunim yu, ol man i save long dispela hap tasol ol i save i go i kam nau taim, na dispela hap em i istap namel long Yamok village na Torembi namba wan.

Tobias Anggan
Vanimo WSP.



ENGA NIUSA

Dia Edita - Hia mi laik bekim pas bilong wantok ya Tom Pakago bilong Kainantu tasol nau em i stap long Enga Provins.



Yes wantok, mi wanpela boi bilong Enga Provins tasol nau mi stap long

Wewak taun na mi bin lukim pas bilong yu long Wantok Nius, namba 213 long mun Epril 1978.

Insait long pas bilong yu, yu i no amamas long wanpela pasin ol pipel bilong Enga i save mekim long olgeta Sande. Na yu rait i go long Wantok Nius, em i no stret. Long wanem mi save dispela toktok o samting, yu bin toktok long en, em ol man bilong ples i save mekim olsem na wantok yu save ples bilong mitupela planti man bilong ples ol i no save tumas long tok pisin. Olsem na i gutpela long yu ken rait i go long Edita bilong Enga Niusa na ol bai printim long tokples Enga na bai ol i save long

V.D. PIKSA SLAIT

Dia Edita - Long Trinde nait long 15 Mas 1978, i gat wanpela ofisa bilong pablik helt i bin soim piksa slait bilong sik V.D. long Katolik Misin, Banara. I gat planti man meri, na pikinini i bin kamap long lukim dispela piksa na harim ol toktok em ofisa i bin givim long ol pipel.


Mi na planti poroman i lukim dispela kala piksa i soim VD long sem bilong man na meri na mipela i no amamas tumas. Long wanem insait long lukim piksa, i gat planti ol skul manki na ol manki i gat 3 yia na i go antap. Insait long pasin bilong ples kanaka ol manki i gat 3 yia na i go antap i tambu tru long ol lukim sem bilong man na meri. Piksa i givim tingting nogut long ol manki na ol i ken tok nogut long mama bilong ol o

ol i ken traim opim laplap bilong mama bilong ol long lukim sem bilong ol.

Mipela i no laikim tru long ol i mas soim dispela slait insait long ol viles. I gutpela ol i ken soim insait long siti o taun na ol sap provins. Long wanem yu painim planti sik V.D. insait long ol dispela ples. Ol viles i stap insait o klostu long siti na taun na em ol tu i gat planti V.D.

Ol wait pipel i bringim V.D. i kam insait long kantri bilong yumi na nau dispela sik i go bikpela. Ol pipel bilong kantri bilong yumi ol i klinpela pipel long taim bilong tumbuna i kam inap long taim ol doti waitman i stat long grisim ol meri long mani na lainim pasim pamuk long ol na givim sik V.D. long ol.

Black,
Bogia/Madang.



wanem samting yu bin toktok long en.

Wantok, bihain sapos yu lukim wanpela pasin i no stret long Enga Provins, orait nau mipela Enga i gat wanpela niuspepa ol i kolim Wantok Enga Nius, na yu ken rait i go long Enga Box 111, Wabag. na ol bai tanim pas bilong yu i go long tok pisin na tok ples Enga. Na ol man bilong ples bai amamas long lukim pas bilong yu.

Em tasol na sapos yu i gat sampela wari, orait yu traim na rait i go long Enga Nius na mi bai lukim pas bilong yu long Wantok Enga Nius. Tenkyu Tow Pakago.

Benjamin Yapson,
Wewak.

GIAMAN PENPREN

Dia Edita - Mi wanpela studen bilong Notre Dame Haiskul. Mi laik autim wari bilong mi i go long ol man i save raitim nem bilong ol long WANTOK na ol i tok ol i laikim penpren.

Wari bilong mi i olsem, ol man ol i save raitim nem bilong ol na mipela bai ting tru na rait i go long ol.

Tasol taim mipela i kisim riplai bilong ol, ol i no save raitim olsem ol penpren i save raitim. Mi yet mi bin gat ekspiriens wantaim tupela man pinis. Insait long leta tupela i bin raitim olsem: Love, mi laik I have you, na warm regards with kisses na you are mine. Ol dispela samting em i no hau o we bilong raitim pas i go long penpren bilong yu. Ating ol i no save long mining bilong penpren.

Ol brata, sapos yupela laik mekim olsem, no ken raitim nem bilong yu long WANTOK na tok yu laikim penpren olsem mi bin tok pinis. Yu no save long mining bilong penpren.

Em tasol liklik wari bilong mi i go long yupela ol brata bilong PNG.

Cathy I. Francis,
Kumdi/W.H.P.



NEM BILONG OL NAMBA TU OPISA BILONG BOSIM ILEKSEN

KOMISIN BILONG BOSIM OL ILEKSEN, long pawa em i kisim pinis long hap namba 19(1) bilong lo bilong bosim ol ileksen, i memkim nau dispela tok save.

Em i makim nau olgeta wan wan man yumi painim nem bilong ol long lephan bilong dispela pes. Long raithan em i nem bilong hap bilong ilektoret ol bai bosim.

NEM BILONG OPISA HAP ILEKTORET EM I BOSIM

Thomas Lae

Baiyer-Mul Edministretiv Eria insait long Baiyer-Mul Open Ilektoret

Kanawi Sindol

Bereina Edministretiv Eria insait long Kairuku-Hiri Open Ilektoret

Joe Fragi

Hiri Lokal Gavman Kaunsil Eria insait long Kairuku-Hiri Open Ilektoret

Wantum Libaba

Koroba Edministretiv Eria insait long Koroba-Lake Kopiago Open Ilektoret

Komos Wangowa

Kopiago Edministretiv Eria insait long Koroba-Lake Kopiago Open Ilektoret

Mari Vekwa

Menyamya na Aseki Edministretiv Eria insait long Menyamya Open Ilektoret

Seby Koso

Aseki Edministretiv Eria insait long Menyamya Open Ilektoret

Eminoni Aristako

Menyamya Edministretiv Eria insait long Menyamya Open Ilektoret

Ori Hou Kauvu

Siti Kaunsil Wod namba 5 na 6 insait long Port Moresby North-East Open Ilektoret

Michael Malabag

Siti Kaunsil Wod namba 1 na 7 na 8 na 9 insait long Port Moresby North-West Open Ilektoret

Mi J.S. Mileng, Komisina bilong Bosim ol Ileksen, i raitim, 29 Mas 1978.

TOLOLO TOK

Seketeri bilong Edukesen, Mista Alkan Tololo, i bin sapotim tingting bilong Praim Minista, na i tok pasin bilong edukesen long PNG i bin surik i go daun nau. Em i pairap long sampela tisa i no save mekim gut wok bilong ol na i tok ol i mas raus.

Long mun Mas Minista bilong Edukesen, Mista Oscar Tammur, i bin autim sampela tingting bilong em taim em i bin raun long Hailans na lukim ol sampela skul, na em i bin tok: yumi mas bringim bek dispela pasin bilong stikim ol skulmanki sapos ol i no harim tok. Na tu yumi mas givim moa taim long skulim ol sumatin long relisen o tok bilong God.

Mista Tololo i harim dispela nius na em i salim tok long olgeta tisa ol i tambu yet long paitim ol pikinini na ol i no ken givim moa taim long relisen olsem bipo.

Sios presen long ol wokman.

Luteran Sios long Madang i stat nau long baim ol man husat i bin wok wantaim sios bilong ol inap long 15 yia i go inap long 30 yia olgeta.


Luteran Sios insait long Australia, Jemani, Amerika, na Kanada i bin givim K30,000 kina long helpim dispela projek.

Bisop Stahl Mileng bilong Madang i tok dispela mani i no bilong ol wokman i laik sevis nau. Nogat. Em i bilong bekim long ol man i bin wok planti yia wantaim sios.

Em i min ol wokman ol pasto na evanjelis na ol kamda na ol man tu i bin wok long lain bipo.

Bisop Mileng i tok, Luteran Sios i baim pinis 90 man bilong Karkar na Amele seket long hap bilong Madang.

Ol man bilong ol narapela hap long provins bai kisim pe bihain.



Poto antap i soim Bisop Leslie Boseto, hetman bilong Yunaitet Sios, em i bin kisim Jubili Medal bilong Kwin na Indep. ndens medal bilong PNG long han bilong gavana jeneral, Sir Tore Lokoloko.

PNG



Sapos yupela laik kirapim bisnis bilong prinim pepa kam lukim mipela long PNG Printing na bai mipela halivim yupela

Gutpela Hailans Bisnis

Wok bilong groim tret slika bai helpim gut bisnis long Hailans sapos ol saveman bilong ol narapela kantri i ken kam insait helpim ol Papua Niugini kisim gut save long dispela nupela kain wok.

Minista Bilong Bosim Wok Bisnis, Mista Pita Lus, i bin tok olsem, dispela kain wok bilong groim tret slika i pas gut long laip bilong ol man long ples na i isi long statim.


Em i bin tok olsem, taim em i raun long Westen Hailans na i lukim bikpela stesin i mekim wok slika long Kagamuga klostu long Hagen.

Sapos dispela wok slika i ran gut, em inap winim K20 milion kina i go inap long K60 milion kina long wan wan yia.

Ol arapela samting olsem kopi na ti wantaim i save winim K74 milion kina long wan wan yia long Hailans.

Na wanpela gutpela samting bilong dispela wok slika, prais bilong tret slika i no save senis olsem prais bilong kopi. Na oltaim i gat planti manmeri long ol kantri i laikim slika tumas.



Mista Lus i tok dispela bisnis bilong wokim tret slika em inap long givim wok long samting olsem 35,000 famili ol i stap nating nau na i no gat wok long ol long ol liklik ples.



Poto antap i soim sampela opisa bilong NBC i stap insait long wanpela kos long Australia. Kirap long lephan em tisa Mista Bob Wallbrink. Na ol man i harim em, Mista Winterford Suharupa (Redio Noten Popondetta).

Australian Infomesen Poto. Barry Le Lievre i kisim.

Maxell i nem yu ken bilipim. Baim em tasol.



YU KEN BAIM LONG OL DISPELA HAGEMAYER STUA

P.O. Box 673, MADANG
PHONE: 822445

P.O. Box 1428, BOROKO
PHONE: 256144

P.O.Box 90, LAE
PHONE: 423200

P.O.Box 63, RABAU
PHONE: 922633

P.O. Box 11, MT. HAGEN
PHONE: 52 1339



Tok save i kam long komisin bilong bosim ol ileksen

OL TAIM NA PLES BILONG VOT LONG PORT MORESBY SITI KAUNSIJ JENERAL ILEKSEN 1978.

OL LO BILONG VOT LONG PORT MORESBY:

1. Port Moresby Siti Kaunsil Jeneral Ileksen bai ol i mekim long Fraide, 12 Me, na long Sarere 13 Me, 1978.
2. Vot i stat long Fraide, 12 Me na i pinis long Sarere, 13 Me, 1978. Long olgeta ples bilong vot bai ol i redi na i stat long vot long 8 klok moningtaim long dispela tupela de, na i pinis long 6 klok apinun, bihain long olgeta manmeri i sanap i laik vot long dispela taim, i vot pinis.
3. Olgeta pipel i laik vot i mas vot insait long ples bilong vot i stap long dispela vot we ol i bin raitim nem bilong ol long lista bilong vot.

Ol pipel i tambu long go vot insait long narapela vot, we nem bilong ol i no stap.

HIA EM OL PLES BILONG VOT LONG PORT MORESBY

(Long ol dispela ples yu ken vot long Fraide, 12 Me, na Sarere, 13 Me, stat long 8 klok moningtaim i go inap long 6 klok long apinun.)

WOD NAMBA WAN

OL TATANA KAUNSIJ
BARUNI VILES
KOMYUNITI HOL, SITI KAUNSIJ, WOD WAN
OPIS, HANUABADA, DAUGO, MOBIL TIM

WOD NAMBA TU

GEL GAIT HOL, KONE DOBU
NESENEL KAPITAL DISTRIK OPIS, MORESBY
OPIS BILONG INFOMESEN, ELA BEACH

WOD NAMBA TRI

EVERYMAN'S SENTA, KOKI
SEN TERESA SKUL, BADILI
KAUGERE, WOD 3 OPIS
KILA POLIS DEPOT OPIS
SITI KAUNSIJ

WOD NAMBA FOA

VABUKORI KOMYUNITI HOL
HOS KEM KOMYUNITI HOL
PARI VILES KOMYUNITI HOL
KILAKILA WOD 4 OPIS
SARAGA SETELMEN KOMYUNITI HOL
TAURAMA BAREKS ASEMBLI HOL

WOD NAMBA FAIV

BOROKO WOD 5 OPIS
BARAROKO KOMYUNITI SKUL
SIKIS MAIL KOMYUNITI SENTA
KOROBOSEA KOMYUNITI HOL
KOROBOSEA INTERNESENEL SKUL

WOD NAMBA SIKIS

WOD 6 OPIS, GORDONS
ERIMA KOMYUNITI SKUL
9 MAIL KOMYUNITI HOL
BOMANA, MOBIL TIM

WOD NAMBA SEVEN

TOKARARA OLPELA MAKET PLES
ORORO KOMYUNITI SKUL
JUN VELI
HOHOLA KOMYUNITI SENTA
MURRAY BAREKS
REJIMENTAL ET POS

WOD NAMBA ET

WOD 8 OPIS, WAIGANI
MORATA KOMYUNITI SENTA
YUNIVESITI FORUM

WOD NAMBA NAIN

GEREHU KOMYUNITI SENTA
NESENEL HAUSING KOMISIN
RENTAL OPIS, STES 3
GEREHU KOMYUNITI SKUL
BITAPAKA TREDING STUA
STES 7, GEREHU

STONNY NUNA

Opisa bilong bosim ileksen bi-
long Port Moresby Siti Kaunsil
jeneral ileksen 1978.

Watpo Sot Long Lokal Bosman

Pablik Sevis Asosiesen i sapatim tok kros bilong Mista Uiari, taim em i putim hevi long samting olsem 114 bikpela bisnis kampani long PNG, na i tok, ol i go isi tumas long trenim ol lokal wokman long kisim ples bilong ol bosman na opisa insait long kampani bilong ol. Presiden bilong PSA, Mista Mileng, i tok ol i bin mekim ripot long dispela samting na i bin painimaut 88 bilong olgeta 100 bikpela bosman long ol kampani, em ol ausaitman tasol.

Mista Mileng i bin tok olsem, PSA i bin askim 114 kampani na samting olsem 50 tasol i bin bekim tok. Na moa olsem 50 i bin tok, ol i no gat samting bilong ripot long en. Mista Mileng i tok moa,

i luk olsem ol bikpela kampani i laik givim wok long ol ausaitman pastaim, long wanem ol i les long trenim ol lokal pipel.

Planti taim ol bosman i tok tasol, ol lokal pipel i no gat save. Tasol ol i no

givim save long ol.

Gavman i mas strong long no givim isi tumas tok orait long ol ausaitman i ken wok long PNG. Em i mas lukaut tu bai ol kampani i gat gutpela we long trenim ol wokman.

Wanpela arapela man, em Mista John Jaintong, i tok yumi no ken pasim maus moa na bilipim dispela tok, ol lokal pipel i no inap long kain kain wok. Trenim ol pastaim na bihain yumi lukim.

Ol hetman bilong Sosaiti bilong Divain Wod, (SVD) long PNG na Yurop i bin pasim tok long senisim SVD Haiskul bilong ol long Madang isi isi, bai em i kamap wanpela diploma koles. Em i olsem wanpela smolpela yunivesiti, i stat long gret eleven na i go 4-pela yia moa. Ol studen bai kisim setifiket.

Ol hetman i no bin stretim tingting bilong ol kos yet. Long gret 11 na 12 bai i gat Inglis, na Maths, Saiens, Sosai Saiens, na Relisen.

Long gret 13 na 14 bai ol i givim tu dispela kain kos: komyunikesen, bisnis, menesmen, spot, yut lidasip, pasin bilong skulim ol bikpela manmeri.

Ol SVD i ranim sampela koles na yunivesiti long Amerika, Yurop, Japan, Taiwan, Filipin Ailan, na Saut Amerika.

Mista Alkain Tololo, hetman bilong dipatmen bilong eduken, i tok sori long SVD Haiskul i laik senisim wok bilong em. Tasol em i tenkyu long Sosaiti i bin lukautim na ranim em inap planti yia.

MARIT LO

(i kam long pes 3)

pipel i marit long ai bilong kiap o long lotu. Tude bik kot tasol inap long mekim dispela na i kostim bikpela mani moa, na planti pipel i no inap long baim. Nupela lo i laik tok olsem: man o meri i laik katim marit, em yet i ken go long wanem kot em i laikim.

Na las tok bilong lo em dispela: ol niusman na ripota i tambu long kam insait na harim dispela kot bilong marit. Em i mas pas long ol, na ol i no ken raitim ol samting i bin kamap long dispela kain kot long katim marit.

BAIM WANTOK

Sapos yu laik kisim Wantok niuspepa inap long wan yia (em i olsem 48 taims) , yu katim dispela tiket long sisis na yu salim i kam long mipela wantaim K8.00.

Nem bilong yu.

Adres bilong yu.

Salim sek o mani oda inap long K8 wantaim tiket i kam long :

WANTOK BOX 1982 BOROKO

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.



THE INVESTMENT CORPORATION OF PAPUA NEW GUINEA



Long poto antap yumi ken lukim sampela man bilong Tari long Saten Hailans i sanap holim winmani ol i bin kisim Long Invesmen Koporesen ofis Klostu long ol.

BAIM SEA LONG INVESMEN KOPORESEN
BILONG PAPUA NIUGINI

na bai yu kisim winmani bilong wanpela
bikpela bikpela kampani tru


Sapos yu laik save moa long we bilong kisim winmani, yu rait long: Investment Corporation
P.O. Box 155
Port Moresby

NEM BILONG YU:

ADRES BILONG YU:



Australian
Information
Poto




Poto antap i soim Sir Tore Lokoloko, gavana jeneral bilong PNG, taim em i lukluk raun long Australia. Hia em i go lukim ol bikpela gaden wain long Barossa Valley. Man namel long poto em i Mista Christopher Talie (seketeri bilong em), na Mista Vincent Eri (Hai komisina bilong PNG long Australia).

Long raithan Sir Tore i raitim nem bilong em long wanpela bikpela fas o'dram diwai i pulap long wain.


Aveling Barford Pacific Pty. Ltd. Representing the world's leading automotive manufacturers.

Ume St. Gordon, Port Moresby. Phone 257166, 257908
Morobe Ave. Lae. Phone 424188, Mt. Hagen. Phone 521015
Stones Automotive Services, Kieta. Phone 956093
Malaguna Motors, Rabaul. Phone 921751



NACHI

Bearings—automotive industrial machinery. Roller, ball, taper bearings.
Extra small radial ball bearings.
Single row deep-groove ball bearings.
Double-row self-aligning ball bearings.
Tapered roller-bearings.
Cylindrical roller-bearings.



RYCO-FLEX

Hydraulic hose, assemblies,
couplings, adaptors.



TRIK TASOL

(Josua 7: 5 - 9: 16)

Ol Isrel i pret na i ranawe i go bek long Josua. Ol pipel long kem i kalap nogut.



Olsem wanem?

Mi no save. Wantu mi pret na mi ranawe.



Sori, ol soldia bilong Ai i ranim mipela nogut tru.

Tasol watpo yupela i pret na ranawe?



Ol soldia i no inap bekim tok, olsem na em i askim God

God papa, watpo ol man i pret? Nau bai ol birua i pinisim mipela olgeta.

God i bekim tok: sampela soldia i kisim bilas bilong ol long taim ol i kisim Jeriko, na nau God i bekim..

Long moning taim tru Josua i singautim lida bilong ol lain



Sampela man i bin sakim tok na i kisim bilas samting bilong em yet. Yumi mas painim dispela man. Sapos nogat, bai ol birua i pinisim mipela.

God i makim Ekan



Yes, i tru - mi bin mekim dispela rong.

Orait, nau bel bilong God i kol gen.

Long dispela de yet Josua i singautim gen ol lida

Yupela kisim 30,000 man na haitim ol long wanpela sait bilong Ai. Tasol yupela i no ken pait inap mi tok



Long nait ol Isrel i hait nabaut long biktaun Ai.



Josua bai mekim wanem?

Mi no save. Tasol dispela taim mi no pret. Mi save God i wok wantaim.

GOD HELPIM AMI

(Josua 9:17 - 11:7)

Ol i trikim Josua na em i joinim Gibion. Em i no save yet i gat 5-pela arapela biktaun nau i kirap egens long em.



Ol Isrel i strong tumas. Yumi mas mekim save long Gibion bikos em i joinim ol.

Nambawan. Sapos mipela i winim em, bai mipela i gat wanpela taun moa i sanap egens Isrel.

Ami bilong Josua i mas long nait na ol i kamap bihain long ol birua i mekim save long Gibion.



Nogat wanpela i ken ranawe

Ol birua i laik ranawe na ais i pundaun-long heven na paitim ol



Josua i pret bai ol birua i ranawe long nait, olsem na em i tokim san na mun long sanap na wet i stap



Orait san i wet inap Josua i winim ol birua tru. Ol pipel bilong Gibion i orait, tasol olsem bekim, nau ol i mas stap wokboi bilong ol Isrel.

Taim Josua i lida, ol Isrel i winim olgeta taun long Kenan, long hap bilong Saut... nau ol i go bek long kem bilong ol long Gilgal.

Yumi tenkim God Gutpela taim i kam bek gen.



Moningtaim tru Josua i kisiu. sampela soldia i go long bikdua bilong Ai. Ol soldia insait long taun i ranawe i kam arasat, ol i ting bai ol Isrel i ranawe gen.

Kaman yumi pinisim ol nau

Josua i holim spia bilong em antap, na ol Isrel i bait baksait long taun i lukim, nau ol i go long taun na laitim paia nabaut...ol soldia bilong Ai nau i stap namel long tupela ami bilong Isrel.

Dispela nius bilong ami bilong Josua i winim ol Ai, i go nabaut long olgeta hap. Long ples Gibion ol i toktok. Ol Isrel bai kam pait wantaim mipela, tu. Tasol mipela inap trikim ol. Nau yu harim, tu.

Long tumora tupela man bilong Gibion i kamap long kem bilong Isrel. Ol i pasim rabis klos...

Gude... yupela bilong we? Mipela bilong longwe ples. Yu lukim klos bilong mipela i bayara long longpela rot.

Bilong wanem yupela i kam? Mipela i bin harim olsem God bilong yupela i bikpela tru na mipela i laik sekan wantaim yupela, bai mipela i ken sindaun isi.

Bihain long 3-pela de

Josua, mi bihainim Yumi go paitim tupela man ya. Tupela i bilong Gibion. Ol i trikim mipela. Yumi go paitim ol nau tasol. Nogat. Mi no ken brukim tok bilong mi.

Josua i bilipim tok bilong tupela na i promis long tupela...

Taim ol Isrel i sindaun matolo, wanpela bikpela ami i redi long hap bilong Not.

Yumi no westim taim. Yumi mas redi na pasim rot bilong Isrel.

Bihain long sampela nait ol Isrel i kamap long kem klostu long Heso

Yupela mas sanap strong. Tumora long dispela taim bai ol birua i lus pinis.

Long nait yet, mipela bai kamap isi isi long ol, na taim mi mekim tandok, yupela kalap long ol hariap moa..

Tasol wanpela skaut na spai bilong Isrel i harim tok bilong dispela ami i laik redi na em i kam tokim Josua.

Ating ol i redi long kam stil na pattim mipela nau. Ol i gat planti tausen man long hos na karis. Em hia mep bilong graun

Kem bilong ol birua Heso

Kem bilong ol Isrel

Sea of Galilee

Dead Sea

I isi isi ol Isrel i kamap klostu long ol birua i slip

Ol i planti moa, na ol i gat hos na karis.

Tasol yumi mas kamap stil... bai ol i no ken save mipela i kisiu ol pinis.

Orait, nau ol Isrel i winim biugel...

Em nau.

Goan...

Josua i singautim ol ami bilong em na ol i wokabaut i go longwe long Not

Mipela i mas kamap stil long ol birua. Nogut ol i kisiu save pastaim.

Used by permission of the David C. Cook Foundation. Copyright 1973, David C. Cook Publishing Co. All rights reserved.



Poto long lephan i soim Mista Ignatius Kilage, Hetman bilong Ombudsmen Komisn long PNG, i sindaun toktok wantaim Ombudsman bilong Australia, Mista Ken Smithers, long biktaun, Sydney.

Mista Kilage i bin mekim 2-pela wik lukluk raun long Australia. Na long dispela lukluk raun, em i bin bungim Profesa bilong Yunivesiti, Dokta Peter Wilenski, na Miniŕta bilong Foren Afeas na Tret, Mista Andrew Peacock.

Australian Infomesen Poto. Alex Ozolins i kisim.

Long poto daunbilo em Mista William Tiden, Plis Komisina bilong PNG, i sanap toktok wantaim Plis Komisina bilong Australia, Mista John Davis.

Oi plis komisina bilong Fiji, Nu Silan, na Australia tu i bin i stap insait long wampela bikpela kibung.

Australian Infomesen Poto. Bill Payne i kisim.

